

Broj: 01-11-4-516-237/25
Sarajevo, 17.08.2026. godine

Na osnovu člana 64. stav (I), tačka a), člana 70. stav (3) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24), zaključenog Okvirnog sporazuma broj 01-11-4-516-44/25 od 24.06.2025. godine, a na preporuku Komisije za javne nabavke imenovane Rješenjem, broj: 03-32-3-25/26 od 12.03.2026. godine, u postupku provođenja mini tendera za odabir najpovoljnijeg ponuđača za javnu nabavku radova – niskogradnja, obnova i izgradnja infrastrukturnih objekata povratnika (putna infrastruktura, sportski tereni, vodovod i kanalizacija, elektrosistemi, javna rasvjeta i sl.), Federalni ministar raseljenih osoba i izbjeglica

d o n o s i

O D L U K U **o izboru najpovoljnijeg ponuđača**

I

Prihvata se Preporuka Komisije za javnu nabavku, broj 01-11-4-516-236/25 od 14.08.2026. godine, da se u cilju odabira najpovoljnijeg ponuđača po provedenom postupku provođenja mini tendera za odabir najpovoljnijeg ponuđača za javnu nabavku radova – niskogradnja, obnova i izgradnja infrastrukturnih objekata povratnika (putna infrastruktura, sportski tereni, vodovod i kanalizacija, elektrosistemi, javna rasvjeta i sl.), po Pozivu za dostavljanje ponuda, broj: 01-11-4-516-204/25 od 04.08.2026. godine, Ugovor o izvođenju radova za izgradnju infrastrukturnih objekata, dodijeli sljedećem ponuđaču:

MINI TENDER 1 - Sanacija puta u MZ Dokanj u naselju Crno Blato, Grad Tuzla

- **Ponuđač „Izgradnja“ doo Teočak**, sa registriranim sjedištem u Teočak bb, Teočak, ID: 4209369590007, dostavio je, u predmetnom postupku javne nabavke, prihvatljivu ponudu u skladu sa tenderskom dokumentacijom sa ukupnom cijenom ponude bez PDV-a **u iznosu od 334.790,00 KM**.

MINI TENDER 2 - Sanacija puta u MZ Požarnica u naselju Cviljevina, Grad Tuzla

- **Ponuđač „Holex“ doo Živinice**, sa registriranim sjedištem u Kovači 14, Živinice, ID: 4209226560000, dostavio je, u predmetnom postupku javne nabavke, prihvatljivu ponudu u skladu sa tenderskom dokumentacijom sa ukupnom cijenom ponude bez PDV-a **u iznosu od 299.285,00 KM**.

MINI TENDER 3 - Izgradnja-asfaltiranje međuopštinskog puta Hajvazi-Seferovići-Križevići, Opština Osmaci i Grad Zvornik

- **Ponuđač „Izgradnja“ doo Teočak**, sa registriranim sjedištem u Teočak bb, Teočak, ID: 4209369590007, dostavio je, u predmetnom postupku javne nabavke, prihvatljivu ponudu u skladu sa tenderskom dokumentacijom sa ukupnom cijenom ponude bez PDV-a **u iznosu od 139.827,00 KM**.

MINI TENDER 4 - Asfaltiranje putnog pravca Međurječje-Karovići-Dubac, Opština Čajniče

- **Ponuđač „Goraždeputevi“ d.o.o. Goražde**, sa registriranim sjedištem u 22 Maj bb Goražde, ID: 4245000470004, dostavio je, u predmetnom postupku javne nabavke, prihvatljivu ponudu u skladu sa tenderskom dokumentacijom sa ukupnom cijenom ponude bez PDV-a **u iznosu od 172.994,00 KM**.

II

Ponuđači iz tačke I ove odluke dostavili su prihvatljive ponude, ocijenjeni su kao najpovoljniji, jer ispunjavaju uslove postavljene tenderskom dokumentacijom, i u skladu sa kriterijem za dodjelu ugovora (najniža cijena) ponudili najnižu cijenu, te će se sa istim zaključiti pojedinačni ugovor.

III

Ova odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Nakon provedenog otvorenog postupka sa namjerom zaključenja okvirnog sporazuma sa više ponuđača i zaključenog Okvirnog sporazuma između Ministarstva i više ponuđača, broj: 01-11-4-516-44/25 od 24.06.2025. godine, proveden je postupak nabavke – mini tender, kojim je predviđeno zaključivanje pojedinačnog ugovora sa navedenim ponuđačima.

Poziv za dostavljanje ponuda, broj: 01-11-4-516-204/25 od 04.08.2026.godine poslat je putem email-a svim ponuđačima koji su zaključili Okvirni sporazum.

Konstatovano je da su u roku za dostavu pristigle ponude i to;

MINI TENDER - 1 5 (pet) ponuda

MINI TENDER - 2 6 (šest) ponuda

MINI TENDER - 3 4 (četiri) ponude

MINI TENDER - 4 2 (dvije) ponude

Na sastanku povodom otvaranja ponuda konstatovano je da su sve ponude propisno upakovane i zapečaćene, označene rednim brojem, nakon čega se pristupilo otvaranju istih, te su pročitane cijene ponuda. Zapisnik sa javnog otvaranja ponuda dostavljen je 11.08.2026. godine, svim ponuđačima, koji su dostavili ponude, putem elektronske pošte: amra.tabakovic@fmroi.gov.ba.

Nakon prijema Zapisnika sa otvaranja ponuda, Ponuđač AD "Romanijaputevi" d.o.o. Sokolac, je dostavio Obavještenje broj: 02/05-338/26 kojim obavještava Ugovorni organ - Federalno ministarstvo raseljenih osoba i izbjeglica, da odustaje od dodjeljenog posla, za predmetnu nabavku, tj. za mini tender 4 – Asfaltiranje putnog pravca Međurječje-Karovići-Dubac, Opština Čajniče, iz razloga nepredviđenih okolnosti, odnosno neraspoloživosti potrebnih kapaciteta zbog čega ne bi bili u mogućnosti izvesti predmetne radove u tekućoj građevinskoj sezoni.

Postupajući po dostavljenom dopisu, a na osnovu člana 72. stav (3), alineja c) Zakona o javnim nabavkama („Službeni glasnik BiH“, broj 39/14, 59/22 i 50/24),, Ugovorni organ dostavlja prijedlog ugovora ponuđaču „Goraždeputevi“ d.o.o. Goražde, čija je ponuda po rang – listi odmah nakon ponude najuspješnijeg ponuđača, obzirom da je najuspješniji ponuđač u pisanoj formi odbio dodjelu ugovora.

Nadalje, prilikom kontrole računske ispravnosti ponuda Komisija je utvrdila da, ponuda Ponuđača „Cestotehnik“ d.o.o. Tuzla za mini tender 1 i ponuda Ponuđač „Holex“ d.o.o. Živinice za mini tender 2, ukupna cijena ponude bez PDV-a ne odgovara iznosu koji je dostavljen u ponudi, a koja je unesena u Zapisnik sa otvaranja ponuda.

Za mini tender 1 - Sanacija puta u MZ Dokanj u naselju Crno Blato, Grad Tuzla, prilikom računske kontrole utvrđena je greška u dijelu ponude, Dubinska odvodnja, redni broj 18, u zbiru upisana ukupna cijena 840,00 KM, a treba biti 630,00 KM. Računskom ispravkom, ukupna cijena ponude bez PDV-a iznosila bi 343.930,00 KM, a ne 344.140,00 KM.

U skladu sa odredbama Zakona o javnim nabavkama Ponuđaču „Cestotehnik“ d.o.o. Tuzla je upućen zahtjev za prihvatanje ispravke računske greške, broj: 01-11-4-516-232-1/25/AT od 14.08.2026.godine, sa jasno naznačenim iznosom utvrđene greške i iznosom koji predstavlja ispravan obračun.

Ponuđač „Cestotehnik“ d.o.o. Tuzla je svojim dopisom broj: 27164-26 od 14.08.2026.godine obavijestio da je saglasan sa ispravkom računske greške u svojoj ponudi.

Za mini tender 2 - Sanacija puta u MZ Požarnica u naselju Cviljevina, Grad Tuzla, prilikom računske kontrole utvrđena je greška u množenju jedinične cijene i količine pobrojane po stavkama u tabeli.

Računskom ispravkom, ukupna cijena ponude bez PDV-a iznosila bi 299.285,00 KM, a ne 341.257,00 KM.

U skladu sa odredbama Zakona o javnim nabavkama Ponuđaču „Holex“ d.o.o. Živinice je upućen zahtjev za prihvatanje ispravke računske greške, broj: 01-11-4-516-230-1/25/AT od 13.08.2026.godine, sa jasno naznačenim iznosom utvrđene greške i iznosom koji predstavlja ispravan obračun.

Ponuđač „Holex“ d.o.o. Živinice je svojim dopisom od 14.08.2026.godine obavijestio da je saglasan sa ispravkom računske greške u svojoj ponudi.

Nakon prihvaćene ispravke ponuđača došlo je do promjene prvobitnog redoslijeda rangiranja ponuda za mini tender 2, u odnosu na Zapisnik sa otvaranja ponuda koji je poslat ponuđačima u postupku.

Nakon izvršenog pregleda dostavljenih ponuda i ocjene, shodno utvrđenom kriteriju za dodjelu ugovora „najniža cijena“, Komisija za javne nabavke je konstatovala da su najniže cijene ponudili:

MINI TENDER 1 - Ponuđač „Izgradnja“ doo Teočak

MINI TENDER 2 - Ponuđač „Holex“ doo Živinice

MINI TENDER 3 - Ponuđač „Izgradnja“ doo Teočak

MINI TENDER 4 - Ponuđač „Goraždeputevi“ d.o.o. Goražde

Nakon izvršene ocjene ponuda, Komisija za javnu nabavku je uz Zapisnik o pregledu i ocjeni ponuda, broj: 01-11-4-516-235/25 od 14.08.2026. godine, dala svoju Preporuku broj: 01-11-4-516-236/25 od 14.08.2026. godine, da se pojedinačni Ugovori o javnoj nabavci zaključe sa ponuđačima iz tačke I ove odluke.

U postupku donošenja ove odluke, posebno su cijenjene činjenice, da je Komisija pravilno i potpuno izvršila pregled i ocjenu prispjelih ponuda, shodno postavljenim uslovima iz tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom. Uzimajući u obzir naprijed navedeno, odlučeno je kao u dispozitivu ove odluke.

Po okončanju roka za žalbu, ugovorni organ će pozvati odabrane ponuđače na zaključenje ugovora kojim će se regulisati međusobna prava i obaveze vezane za predmetnu nabavku.

Pouka o pravnom lijeku:

Protiv ove odluke, svaki od ponuđača koji je učestvovao u postupku nabavke, može izjaviti žalbu Uredu za razmatranje žalbi Bosne i Hercegovine putem ugovornog organa – Federalno ministarstvo raseljenih osoba i izbjeglica, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke.

MINISTAR

Nerin Dizdar

Dostaviti:

1. Svim ponuđačima u postupku
2. Komisiji za javne nabavke
3. Služba za pravne, personalne i poslove javnih nabavki (Objava na web stranici Ministarstva)
4. a/a